

正法念處經卷第十五

初

元魏靈巖門羅曇般若流支譯

地獄品第三之十一

又彼比丘知業果報復觀阿鼻大地獄處彼見聞知復有異處名黑肚處是彼地獄第六別處衆生何業生於彼處彼見聞知若何等

人取佛財物而自食用不還不償不信彼業而復更取復教他取爲作住持或施佛已復還攝取或他與物今使施佛而自食用彼人以此惡業因緣身壞命終墮於惡處在彼地獄生黑肚處受大苦惱所謂苦者如前所說活黑繩等七大地獄所受苦惱彼一切苦此

中具受百倍更重復有勝者所謂彼處飢渴燒身自食其身食已復生食已復生如是無量百千億歲食已復生生已增長兩重受苦飢渴苦惱於彼惡業所受苦惱百倍更重自作苦惱還自押身彼人如是自食身肉處馳走既如是走有黑肚地如黑雲色執彼罪

人從足甲等稍稍漸齧合骨而食食已復生已復食食已復生如是久時以惡業故如是被食以彼罪人食用佛物諸福田中佛福田勝損佛物故如是受苦既得脫已入炎鐵地佉陀羅炭火炎相似入彼地中一由旬量彼人入火無量百千億歲煮燒復更增長如

是極煮若得脫已望救望歸彼處復有閻魔羅人以炎鐵鉗鉗取其身置鐵鑊中煮之極熱如大小豆燒煮轉換若浮若沉受堅鞭苦第一惡苦如是苦惱不可譬喻一切三界因果相似彼人所受地獄苦中百分千分歌羅分中不及其一如是苦惱百千勢力第一若

惱大海所漂自業果證乃至作集惡不善業未壞未爛業氣未盡於一切時與苦不止若惡業盡於彼黑肚地獄之處亦乃得脫既得脫已千二百世生於食屎餓鬼之中若得脫已於七百世生於食吐畜生之中既得脫已難得人身如龜遇孔若生人中同業之處作

食屎等邪見外道是彼惡業餘殘果報

又彼比丘知業果報復觀阿鼻大地獄處彼見聞知復有異處名身洋處是彼地獄第七別處衆生何業生於彼處彼見聞知有人行惡取法財物而自食用作而復集業業普遍作業究竟復教他作彼人以是惡業因緣身

壞命終墮於惡處在彼地獄生身洋處受大苦惱所謂苦者如前所說活黑繩等七大地獄所受苦惱彼一切苦此中具受百倍更重復有勝者所謂彼處有二鐵樹皆悉炎然惡業風吹迭互相合彼地獄人在二樹中極勢相觸如多羅葉機關壓拶子身體消泮又復

更生生已復拶兩樹直來兩邊拶身受大苦惱如是蹉揆消泮墮地彼有鐵鳥金剛惡鷲在彼樹上啄罪人頭啄已上樹數數如是罪人頭破啄眼而食罪人唱喚悲啼號哭復食其眼破其頭已而飲其腦既飲腦已次劈其心既劈心已而飲肉血彼既飲已次食其腸

既食腸已次食其胃既食胃已次食熟藏食熟藏已次食其臍既食臍已次食其髀既食髀已次食其脛既食脛已次食足跌食足跌已次食足指彼人如是受堅鞭苦於長久時年歲無數百年中數亦不可盡無少相似今說少分如大海中取一掬水置於異處如是

所說唯說一分彼惡業人如是長時受堅鞭苦如是乃至作集惡業未壞未爛業氣未盡於一切時與苦不止若惡業盡彼地獄處亦乃得脫既得脫已於一千世生於食唾餓鬼之中有命而已第一飢渴苦惱燒身彼處若脫生畜生中而作大魚在大海中鹹水之處

常在大海水中而任謂那迦羅若摩伽羅若作大龜常患飢渴鹹水中行經一千世既脫彼處於過去世有人業熟若生人中同業之處所在國土二王中間壇界之處彼二國王常共鬪諍彼人財物聚集得已爲他所取王罰而取既奪取已獄中守掌飢渴燒身從他

得食受極苦惱是彼惡業餘殘果報

又彼比丘知業果報復觀阿鼻大地獄處彼見聞知復有異處名夢見畏是彼地獄第八別處衆生何業生於彼處彼見聞知若人儉年於多比丘衆聚和合欲食之食取而食之令彼衆僧不得飲食身受飢苦不得念善不

得坐禪心不寂靜彼惡業人取僧現食取已不懺心不生悔復於僧食喜樂欲取復教他人心生隨喜業業普遍作業究竟彼人以此惡業因緣身壞命終墮於惡處在彼地獄夢見畏處受大苦惱所謂苦者如前所說活黑繩等七大地獄所受苦惱彼一切苦此中具

受百倍更重復有勝者一切衆生不知其名彼大苦惱皆悉堅韉甚切難忍所受苦惱自業所起今說少分如海一涸如人夢中所見不實此地獄中所見如夢見有惡人甚可怖畏彼人手執種種器仗若枷若杵取地獄人惡業行人置在鐵地坐鐵函中以熱鐵杵搗

築其身并骨碎散如蠟蜜塊又復更生已楮打破壞碎散是彼惡業作集勢力受彼果報若脫彼函所受苦惱復入鐵林自業道行入彼鐵林一切身分分析裂劈割令散墮熱鐵上彼惡業人一切身分皆悉破壞若脫彼處望救望歸處處馳走復兩鐵刀劈割其

身一切筋脉斷絕破壞唯有骨網無有少肉可停蠅處皮骨筋連唯是骨網更復兩鐵劈裂破碎悲苦唱喚啼哭而走處處馳走而不得脫自惡業起不善業起乃至作集不善惡業未盡未壞極急燒煮一切身熱破壞爛不善業故長遠時受不得解脫若彼惡業一

切受盡亦乃得脫既得脫已於一千世生食瘡汁餓鬼之中若脫彼處於五百世生畜生中常有石墮壓撈之處身如草等受大苦惱因此致死彼處得脫若生人中同業之處常貧常病爲他所使曠野嶮岸饒沙之處草希之處無草之處無水之處離澤之處常怖畏

處惡國土生是彼惡業餘殘果報

又彼比丘知業果報復觀阿鼻大地獄處彼見聞知復有異處名曰身洋受苦惱處是彼地獄第九別處衆生何業生於彼處彼見聞知有擅越家常有好心正信成就恒於病人於出家人爲差病故與其財物如此財物隨

何病人令得病差而有惡人目瞽行人內心不善離善知識遠無漏道被服袈裟而是大賊食彼供養病人財物用已不懺心不生悔不還不償復教他人令往隨喜而復貪取彼人以是惡業因緣身壞命終墮於惡處在彼地獄生在身洋受苦惱處受大苦惱所謂苦

者如前所說活累繩等七大地獄所受苦惱彼一切苦此中具受百倍更重復有勝者彼地獄處一由自量熱沸鐵樹彼樹炎然惡業所作彼地獄處有熱炎石金剛相似觸甚堅鞭百倍炎燒如火樹熾然極熱樹根下處彼地獄生四百四病增長苦惱獨而無伴頭

面在下脚足在上彼樹炎熱勢力熾盛形地獄火則如冰冷彼樹根汁一種苦押遍罪人身無毛頭許彼病苦重於火百倍樹押苦惱復過於是時節久遠年歲無數受如是苦彼處復有閻魔羅人手執鐵刀脉脉遍割彼地獄處受五種苦謂樹火鐵飢渴病苦於長久

時年歲無數聞者毛起百那由他此說少分堅鞭苦惱惡味苦惱乃至惡業未壞未爛業氣未盡於一切時與苦不止若惡業盡彼地獄處今乃得脫既得脫已於七百卅生食火煙餓鬼之中飢渴燒身如燒林屋彼處得脫於五百卅生畜生中作被燒龍常雨熱沙墮其身上而被燒煮於畜生中既得脫已若生人中同業之處住叢林中常有埽等盡生極苦不曾一飽不得美食唯聞好食美味之名爲奴他使貧病凡賤是彼惡業餘殘果報又彼比丘知業果報復觀阿鼻大地獄處彼見聞知復有異處名兩山聚是彼地獄第十

別處衆生何業生於彼處彼見聞知有人行惡於辟支佛飢欲噉食而便偷取彼人以此惡業因緣身壞命終墮於惡處在彼地獄雨山聚處受大苦惱所謂苦者如前所說活黑繩等七大地獄所受苦惱彼一切苦此中具受百倍更重復有勝者所謂彼處多有鐵棒

鐵戟鐵鑊鐵函苦惱上雨鐵山與種種苦彼處多雨勝勝山聚從上而墮一由旬量唯雨山聚打彼罪人身體散壞猶如沙搏散已復生生已復散散已復生有十一炎周遍燒身火燒身已次復破眼破已復生閻魔羅人復割其舌割已復生復割其鼻熱白鑊汁置其割處復割其耳熱赤銅汁置耳今滿以熱鐵鋒盛熱沸灰以灑其耳復以利刀割而復削四百四病常具足有火炎普遍合爲一炎受極熱苦彼地獄處於長久時無有年數乃至作集不善惡業未壞未爛業氣未盡於一切時與苦不止若惡業盡彼地獄處亦乃得脫

既得脫已於五百世生蠅虫等遍覆其身常所噉食身有瘡孔孔有惡虫噉食其身在屏中住常食糞屎餓鬼之中若脫彼處於七百世生畜生中曠野惡處常受鹿身飢渴燒煮既得脫已若生人中同業之處身常負重被打身壞晝夜不安手足皆破口常乾燥身體

色惡衣裳破壞是彼惡業餘殘果報雖生人中於五百世非是正人與鬼相似身常苦惱晝夜不安是彼惡業餘殘果報又彼比丘知業果報復觀阿鼻大地獄處彼見聞知復有異處彼處名爲閻婆叵度是彼地獄第十一處衆生何業生於彼處彼見聞知有人野處於河澤中取濟活命彼河澤處是第一業一切田地穀等食具皆從彼得以存性命有惡心人斷截彼河河既斷已彼處國土一切皆失烏鹿亦死况復人類城邑聚落一切沙門婆羅門等皆悉渴死彼河斷故國土人民一切死盡彼人以此惡業因緣身

壞命終墮於惡處在彼地獄閻婆叵度別異
處生受大苦惱所謂苦者如前所說活黑繩
等七大地獄所受苦惱彼一切苦此中具受
百倍更重復有勝者所謂彼處七百由旬如
大曠野險岸高山大火炎然多有鐵樹彼地
獄人顛倒見故見有河池樹林具足彼患飢
渴第一惡火燒其身已唱喚號哭走向彼池
作如是意我到彼處飲彼池水既到彼池有
熱沸灰滿河池中於彼池所閻魔羅人手執
鐵刀執彼罪人以刀削割受二苦惱一刀割
苦二飢渴苦彼人如是在曠野處刀破其身
受大苦惱於長久時若脫彼處以飢渴故處
處馳走飢渴燒身處處馳走見有河疾走
往趣彼人既走池中有鳥身大如鳥名曰閻
婆利生炎執地獄人上舉在空舉已遊行
彼地獄人即失憶念然後放之如石墮地彼
中地處炎堅惡餽罪人墮地碎為百分復更
和合合已復散散已復合鳥復更取如前所

說與彼苦惱彼地獄人復有惡病如前所說
如是無量百千億歲受如是種惡鳥苦惱若
脫彼處而復更爲閻魔羅人之所執持置在
熱沸赤銅旋河既置彼處身皆消泮如水沫
消又復更生彼惡業人惡業行故長久遠時
如是燒者無有年數破國土人若得脫已飢
渴燒身處處馳走自惡業故所行之處鐵鈎
滿道其刃極利割破其足自從足下次第至
脛一切破裂足破裂已其身炎然受極苦惱
唱聲啼哭心生悔惱呻號叫喚一切身分皆
悉燒然燒已復起起已復去彼人如是心亂
不正彼處復有炎齒狗來遍齧罪人一切身
分皆令破壞皮肉脂髓皆悉噉食復飲其汁
彼破國土惡業行人自業如是於長久時受
大苦惱乃至作集惡不善業未壞未爛業氣
未盡於一切時與苦不止若惡業盡彼地獄
處亦乃得脫既得脫已於五百世生餓鬼中
極受苦惱若脫彼處於五百世生畜生中作

賒羅婆生生之世入火被燒或為蛇食或為
火燒或為風殺彼處既脫若生人中同業之
處無戒時生一切人中最為凡鄙是彼惡業
餘殘果報

又彼比丘知業果報復觀阿鼻大地獄處彼
見聞知復有異處名星躔處是彼地獄第十

二處衆生何業生於彼處彼見聞知有人行
惡於起滅定一切煩惱盡滅比丘初起極飢
偷其食已心生歡喜食已貪取口說讚善復
教他人業業普遍作業究竟作而復集惡業
堅鞭彼人以是惡業因緣身壞命終墮於惡
處在彼地獄生星躔處受大苦惱所謂苦者

如前所說活黑繩等七大地獄所受苦惱彼
一切苦此中具受百倍更重復有勝者所謂
彼處地獄二角普地獄處鑊湯炎然如虛空
星於一角處二十億數九那由他九千鉢頭
摩六十億阿浮陀三十大鉢頭摩億百網億
億二十千鬚過如是數時節燒煮熱燒熟如

魚動轉炎然赤沸銅旋鑊中燒煮增長一切
時燒受堅惡苦彼惡業人唱喚心悔自心惡
業長久遠時如是燒煮如前所說彼人如是
一受苦處若得脫已又復更入勝熱味風惡
觸如刀割一切脉既割脉已舉之在上移向
地獄第二角處彼惡業人既到地獄第二角

已風吹億劔割彼罪人一切身分皆悉散壞
唯有筋脉彼人如是身唯筋縷間魔羅人然
後執持置在星躔風吹鑊中既置彼已足在
於上頭面在下頭面先入彼復後時熱沸赤
銅先燒其眼次燒鬪體次燒其面次燒其齒
次燒咽喉熱赤銅汁置咽喉中一切普燒不
能唱喚不能出聲彼人如是受堅鞭苦受彼
苦已更復有餘閻魔羅人手執鐵杵打築其
頭既築其頭一切身分皆悉跳建頭身俱跳
如魚動轉過久遠時如是兩角星躔地獄在
中煮熟乃至作集不善惡業未壞未爛業氣
未盡於一切時與苦不止若惡業盡彼地獄

處余乃得脫既得脫已於一千世生在怖望
餓鬼之中常受苦惱飲食難得於百年中或
得不得彼處脫已於五百世生畜生中在隘
迫處而受塵身心常驚恐於一切人皆生怖
畏於險岸中離人之處常怖畏故羸瘦無色
身體乾枯惡業力故獵人所殺既得脫已若
生人中同業之趣則常治生身為導主飢渴
常乏一切時行常繫屬他為他所使依他活
命與人相似非是正人常受苦惱是彼惡業
餘殘果報

又彼比丘知業果報復觀阿鼻大地獄處彼
見聞知復有異趣彼處名為一切苦旋是彼
地獄第十三處衆生何業生於彼處彼見聞
知有惡心人起顛倒意於一切智所說言語
書畫文字除滅隱障令失法身令諸衆生不
得信佛若聞正法則生信心以無法故衆生
不信如是心意如是邪見作集惡業垢心惡
心若教他人令住隨喜如是作已後復更作

惡心意故業業普遍作業究竟復於彼處作
已復作彼人以是惡業因緣身壞命終墮於
惡趣在彼地獄一切苦旋別異處生受大苦
惱所謂苦者如前所說活黑繩等七大地獄
所受苦惱彼一切苦此中具受百倍更重復
有勝者所謂彼處熱沸赤銅置其眼中二眼
皆滿或以熱沙金剛惡觸指磨其眼消泮碎
散又復更生已復指復以利鋸割截其手
截已復生生已復截復置炎鑊頭在下入身
在鑊外如是極煮半身鑊外利刀割削以眼
看法滅壞法故受如是報以手指磨滅壞法
故受鋸截報以本惡心隱滅法故在鑊中坐
金剛嘴鳥拔心而食飲其心汁以惡心故受
如是苦身坐鑊中背分在上不入鑊處閻魔
羅人執利斤斧以斤其皮令使下脫嚴熱炎
汁而灌洗之炎熱利針遍刺其身炎熱鐵輪
疾轉在頭如是受苦若脫彼處墮消泮地苦
常不斷作集業故於地獄中受如是苦乃至

惡業未壞未爛業氣未盡於一切時與苦不止若惡業盡彼地獄處亦乃得脫雖脫彼處於五百世生在食煙餓鬼之中惡行覆身心受苦惱心亂不止若脫彼處於七百世生畜生中作夜行虫若作獺狐兔梟等鳥脫彼處已過去久遠有人業者若生人中同業之處

生雪山中食惡飲食恒常貧窮於三百世夷人中生是彼惡業餘殘果報

又彼比丘知業果報復觀阿鼻大地獄處彼見聞知復有異處名臭氣覆是彼地獄第十四處衆生何業生於彼處彼見聞知有人邪見故以惡心意念思惟隨順瞋心生喜樂意

於僧田地或甘蔗田園林菓樹或復衆僧餘受用處放火焚燒如此燒僧所受用物今諸比丘衰損失壞業業普遍作業究竟和合相應彼人以是惡業因緣身壞命終墮於惡處在彼地獄臭氣覆處受大苦惱所謂苦者如前所說活黑繩等七大地獄所受苦惱彼一

切苦此中具受百倍更重復有勝者所謂彼處有熱炎網名針孔網熱炎普遍遍地獄中惡業罪人既生彼處閻魔羅人炎利大刀執箭射之驅入炎然針孔網中不能得走彼惡業人彼處繫縛不能得脫彼網極利削割其手復削其脇復削其背一切身分皆悉遍削

唯有骨在網割削已閻魔羅人甘蔗杖打百到千到若百千到彼惡業人惡業遮覆受彼箭苦於長久時受大苦惱堅韌惡繩所受苦惱無異相似彼地獄中極受大苦乃至作集惡不善業未壞未爛業氣未盡於一切時與苦不止若惡業盡彼地獄處亦乃得脫雖脫

彼處於七百世生於食血餓鬼之中唯食產血若脫彼處於五百世生畜生中作雞孔雀鸚鵡等鳥脫彼處已若生人中同業之處於旃荼羅屠兒家生是彼惡業餘殘果報又彼比丘知業果報復觀阿鼻大地獄處彼見聞知復有異處名鐵鏃處是彼地獄第十

五處衆生何業生於彼處彼見聞知有人輕心誑心惡意於儉時世請喚比丘作如是言於此年中我家夏坐病藥所須我皆供給一切勿憂莫生異意彼諸比丘心皆生信時世復儉信彼人故更不餘求既赴夏坐彼惡心人一切不與驅令使去時世儉故彼諸比丘

或有死者或有比丘失前夏者或有極受飢渴苦者或有比丘向異國者如是惡人棄捨比丘妨廢惱亂彼人以此惡業因緣身壞命終墮於惡處在彼地獄生鐵鏹處受大苦惱所謂苦者如前所說活黑繩等七大地獄所受苦惱彼一切苦此中具受百倍更重復有

勝者所謂彼處地獄罪人十一炎聚周匝圍繞常患飢渴閻魔羅人數數常以熱赤銅汁熱鐵塊搏令飲食噉彼罪人身乃於無量大鉢頭摩三余多數屋余多數常燒常煮乾燥破壞又復更生復有勝苦如業所作閻魔羅人取熱鐵鏹廣五由旬炎火甚熾普一炎變

以彼鐵鏹裹其身體一切爛熟普身炎然唱喚號哭破壞苦惱無少樂事如針孔許可攀緣處如是鐵鏹火遍無間如是惡觸受苦巨耐如是鐵鏹作飢作渴作大熾火受如是苦乃至惡業未壞未爛業氣未盡於一切時與苦不止若惡業盡彼地獄處亦乃得脫脫彼

處已於百千世生於食腦餓鬼之中若脫彼處於七百世生於食火畜生之中彼處脫已若生人中同業之處於五百世爲王不信常繫在獄飢渴而死是彼惡業餘殘果報又彼比丘知業果報復觀阿鼻大地獄處彼見聞知復有異處名十一炎是彼地獄第十

六處衆生何業生於彼處彼見聞知有人惡行若於佛像若佛塔等衆僧寺舍破壞拭滅惡心破壞聖人住處滅佛畫像或復有人非佛弟子於佛不信而自說言是佛弟子爲求過失而聽佛法推求其便聞已於法不生信入如是毀訾樂行多作彼人以此惡業因緣

身壞命終墮於惡處在彼地獄十一炎處火
中而行受大苦惱所謂苦者如前所說活黑
繩等七大地獄所受苦惱彼一切苦此中具
受百倍更重復有勝者所謂彼處有一千倍
嚴惡毒地彼地多饒普遍地獄彼地獄人在
中來去閻魔羅人手執鐵棒打令疾走為地

所齧復有執火極熱燒然彼人如是二種火
燒謂毒火燒地獄火燒唱喚馳走悲號啼哭
以唱喚故閻魔羅人復為說偈呵責之言

汝以受毒醉 一切癡心力 於正法頑鈍

今者徒叫喚 見惡業喜樂 唯貪現在樂

作惡初雖甜 後則如火毒 作惡業之人

一切人毀譽 作善者皆讚 如是應捨惡

見者不愛樂 惡報受苦惱 作惡得惡報

如是黠慧捨 作惡不失壞 一切惡有報

惡皆從作得 因心故有作 由心故作惡

由心有果報 一切皆心作 一切皆因心

心能誑衆生 將來向惡處 此地獄惡處

最是苦惡處 莫繫屬於心 常應隨法行

法行則常樂 惡行不寂靜 非法無善果

以不顛倒受 一切種種果 如因相似見

果與因相似 異相非因果 如是無常法

皆因緣而生 非無因見果 地獄中最勝

如因果相應 地獄中熟煮 作集業堅鞭

決定惡處行 業果相續縛 地獄中煮熟

若懺悔方便 惡業則破壞 不見不愛果

實見者所說 世間因光明 如業因得果

業果迭相因 一切法如是 見迭互因緣

迭互自在行 相似隨順縛 實見者所說

一切世間法 非是無因果 非自在等作

實見者所說 無始生死來 皆因緣而生

如業相似見 無法不相似 若知愛作業

衆生業因生 彼人知業果 故名寂靜人

自體作惡人 常為癡縲縛 已作惡業竟

去何心生悔 惡常依止惡 法常依止法

黠慧人俱捨 實見者所說 若迷道非道

則迷於佛法 彼不得寂靜 如日中無闇
若人迷因緣 迷於法非法 汝到惡地獄
極苦惱之處

閻魔羅人因相應語呵責之已復執鉞戟以
瞋怒心復以無量種種器杖縛地獄人無量
百千鉢頭摩數於長遠時斫刺打築自業所
作如是受苦乃至作集惡不善業未壞未爛
業氣未盡於一切時與苦不止若惡業盡彼
地獄趣亦乃得脫既得脫已於七百世生食
糞屎餓鬼之中是彼惡業餘殘勢力若脫彼
趣於五百世生畜生中作蚯蚓等彼業勢力
餘殘果報脫彼趣已若生人中同業之趣生

於邊地身體黑色漁人之屬下濕之處水田
無食飲食難得食水中虫是彼惡業餘殘果報
又彼比丘知業果報觀察阿鼻大地獄處更
不見有第十七趣下向亦無傍廂亦無麤細
俱無近遠皆無更無所攝一切不見彼比丘
如是思惟見道思惟觀察盡邊八大地獄各

十六趣眷屬之趣如是盡邊惡業人地一切
愚癡凡夫之人作集此地作惡業人受證之
趣八大地獄并眷屬趣我更不見異大地獄
更無異業一種生處更無惡趣如此阿鼻大
地獄趣何趣衆生得大苦惱如此阿鼻大地
獄趣毛起地獄於千分中不說一分何以故

不可說盡不可得聽不可譬喻地獄若惱如
是極惡如是堅鞭如是大苦如是叵耐如是
苦惱無異相似不可喻苦何以故無人能說
無人能聽若有人說若有人聽如是之人吐
血而死此大地獄不可愛樂不可憶念彼地
獄苦苦中之苦彼比丘如是觀察大地獄已
則於一切生死苦惱心生厭離觀察無常苦
空無我見一切法皆悉無常思惟聖諦則於
生死重生厭離毀皆生死如是生死最為鄙
惡彼比丘如是見已生如是心此諸衆生無
有天眼不知過去離聞正法復於地獄極苦
惱趣第一苦處第一惡處而復更生此如是

等愚癡凡夫愛網所縛無始生死

又修行者內心思惟隨順正法觀察法行知

彼比丘次第觀察一切惡處從活地獄次第

乃至阿鼻地獄彼業果報一切悉知得十三

地不樂魔界愛不自在為脫愛縛不住魔界

喜樂無常彼比丘欲斷使結入涅槃城彼地

夜又見其精進心生歡喜轉復上聞虛空夜

又說如是言閻浮提中某國某村某善男子

某姓某名剃除鬚髮被服法衣正信佛家正

行正道正見不邪行出世道知業報法得十

三地盡見一切地獄邊底知無間苦彼地夜

又如是如是具足傳聞虛空夜又虛空夜又

向四大王如前所說彼四大王向四天王亦

如是說彼四天王向三十三天說如是三十

三天向夜摩天亦如是說彼夜摩天向兜率

天亦如是說彼兜率天向化樂天亦如是說

彼化樂天向第六天亦如是說次第乃至向

少光天如是說言天今當聽心當正念閻浮

提中某國某村如是種姓某善男子剃除鬚

髮被服法衣正信出家彼正行法不曾休息

心不樂住魔之境界不樂染愛不樂欲染色

聲香味觸等境界得十三地八大地獄一切

業報皆悉盡知彼比丘如是知已厭離無明

黑闇生死天今應知魔分損減正法增長彼

少光天如是聞已極大歡喜其以得聞魔分

損減正法增長是故歡喜彼處諸天得聞正

法如是歡喜未聞佛法諸天聞已猶尚歡喜

何況信心隨順行人諦見正士聞彼比丘知

業報法增長正法而不歡喜

地獄品竟

正法念處經卷第十五 初

接反力結 壓揆 子宋音押下 攢 子正作揆同 蹉接上

何 鞞 正作 硬 壇界 上音 析裂 上先 葺 子鬼 屏

中 上音 腔 滿 米反 漢 鑊 非胡郭反 上 隘 迨 上賈於

鬼 集 上音 腔 滿 米反 漢 鑊 非胡郭反 上 隘 迨 上賈於

戟 上音 逆 反 下 頑 鈍 下接 國 反 點 慧 上 闕 鉞